

辽金刻经

18

房山石经

趙櫟初題



中国佛教协会
中国佛教图书文物馆 编

华夏出版社 出版

圖書在版編目(CIP)數據

房山石經/中國佛教協會 中國佛教圖書文物館編.
—北京:華夏出版社,2000.5

ISBN 7-5080-1771-4

I. 房… II. 中… III. 佛經 IV. B94

中國版本圖書館CIP數據核字(1999)第11949號

房山石經(全三十冊)

編者 中國佛教協會

出版者 華夏出版社
(北京東直門外香河園北里四號 郵編 100028)

印刷者 北京機工印刷廠
北京建築工業印刷廠

出版年月 二〇〇〇年五月第一次印刷

定價 九千六百元

版權所有 翻印必究

《房山石经》编辑出版委员会

主 任 赵朴初
副主任 周绍良 刀述仁 王智钧 净 慧
黄炳章 萧秉权 姚长寿
编 委 任 杰 法 映 高文铸 王炳旻
张 伟 赵玉之 何 云 卢 浔
张泽西

编委会办公室主任 张 伟
编委会办公室副主任 姚长寿 邓秀成
编委会办公室成员 武子羽 李芝文 庄晓明
邓继武 张跃青 陈英树

责任编辑 高文铸 王炳旻 周国芳
技术编辑 李芝文

房山石经 (辽金刻经) 目录

听——尺

听字至尺字号 八百九十三石 一千七百四十九张

瑜伽师地论一百卷 弥勒菩萨说 沙门玄奘奉诏译……………

辽 无刻石年代

载《南藏》『节』字至『静』字帙、《北藏》、《径山藏》、《龙藏》『犹』字至『气』字帙

燕臺逸士張龍圖書
聽
瑜伽師地論卷第一

大唐三藏聖教序

太宗文皇帝製

蓋聞二儀有象顯覆載以含生四時無形潛
寒暑以化物是以窺天鑑地庸愚皆識其端
明陰洞陽賢哲罕窮其數然而天地包乎陰
陽而易識者以其有象也陰陽處乎天地而
難窮者以其無形也故知象顯可徵雖愚不
惑形潛莫覩存智猶迷況乎佛道崇虛乘幽
控寂弘濟萬品典御十方舉威靈而無上抑神
力而無下大之則弥於宇宙細之則攝於毫釐
無滅無生歷千劫而不古若隱若顯運百福
而長今妙道凝玄遵之莫知其際法流湛寂
挹之莫測其源故知蠢蠢凡愚區區庸鄙投其
旨趣能無疑惑者哉然則大教之興基乎西土
騰漢庭而皎夢照東域而流慈昔者分形分
跡之時言未馳而成化當常現常之世民仰德
而知遵及乎晦影歸真遷儀越世金容掩色
不鏡三千之光麗象開圖空端四八之相於
是微言廣被拯含類於三塗遺訓遐宣導群
生於十地然而真教難仰莫能一其旨歸曲
學易遵邪正於焉紛糾所以空有之論或習
俗而是非大小之乘乍公時而降替有玄奘
法師者法門之領袖也幼懷貞敏早悟三空
之心長契神情先包四恩之行松風水月未
足比其清華仙露明珠詎能方其朗潤故以
智通無累神測未形超六塵而迥出隻千古

邵師寧刻

聽
二
瑜伽論一

而無對疑心內境悲正法之陵遲栖慮玄門
慨深文之訛謬思欲分條析理廣彼前聞截
偽續真開茲後學是以翹心淨土往遊西域
乘危遠邁杖策孤征積雪晨飛途間失地驚
砂夕起空外迷天萬里山川撥煙霞而進影
百重寒暑躡霜雨而前蹤誠重勞輕求深願
達周遊西字十有七年窮歷道邦詢求正教
雙林八水味道飡風鹿苑驚峯瞻奇仰異承
至言於先聖受真教於上賢探蹟妙門精窮
奧業一乘五律之道馳驟於心田八藏三篋
之文波濤於口海爰自所歷之國揔將三藏
要文凡六百五十七部譯布中夏宣揚勝業
引慈雲於西極注法雨於東垂聖教啟而復
全蒼生罪而還福濕火宅之乾燄共拔迷途
朗愛水之昏波同臻彼岸是知惡因業墜善
以緣昇昇墜之端惟人所託譬夫桂生高嶺
雲露方得法其花蓮出綠波飛塵不能汙其
葉非蓮性自潔而桂質本貞良由所附者高
則微物不能累所憑者淨則濁類不能沾夫
以卉木無知猶資善而成善況乎人倫有識
不緣慶而求慶方觀茲經流施將日月而無
窮斯福遐敷與乾坤而永大

高宗皇帝在春宮述三藏聖記

夫顯揚正教非智無以廣其文崇闡微言非
賢莫能定其旨蓋真如聖教者諸法之玄宗
衆經之軌躅也綜括宏遠與旨遐深極空有
之精微體生滅之機要詞茂道曠尋之者不
究其源文顯義幽履之者莫測其際故知聖

瑜伽論一 三 聽

慈所被業無善而不臻妙化所敷緣無惡而不剪開法網之綱紀弘六度之正教拯群有之塗炭啓三藏之秘府是以名無翼而長飛道無根而永固道名流慶歷遂古而鎮常赴感應身經塵劫而不朽晨鐘夕梵交二音於驚峯慧日法流轉雙輪於鹿苑排空寶蓋接翔雲而共飛莊野春林與天花而合彩伏惟皇帝陛下上玄資福垂拱而治八荒德被黔黎敎衽而朝萬國恩加朽骨石室歸貝葉之文澤及昆蟲金匱流梵說之偈遂使阿耨達水通神甸之八川耑峴山接嵩華之翠嶺竊以法性凝寂靡歸心而不通智地玄奧感懇誠而遂顯豈謂重昏之夜燭慧炬之光火宅之朝降法雨之澤於是百川異流同會於海萬區分義揔成乎實豈與湯武校其優劣堯舜比其聖德者哉玄奘法師者夙懷聰令立志夷簡神清韶亂之年體拔浮華之世凝情定室匿迹幽巖栖慮三禪巡遊十地超六塵之境獨步迦維會一乘之旨隨機化物以中華之無質尋印度之真文遠涉恒河終期滿字頻登靈嶺更獲半珠問道往還十有七載備通釋典利物為心以貞觀十九年二月六日奉勅於弘福寺翻譯聖教要文凡六百五十七部引大海之法流洗塵勞而不竭傳智燈之長燄皎幽闇而恒明自非久植勝緣何以顯揚斯旨所謂法相常住齊三光之明我皇福臻同二儀之固伏見御製衆經論序照古騰今理含金石之聲

瑜伽論一 四 聽

文抱風雲之潤洽輒以輕塵足嶽墜露添流略舉大綱以為斯記
瑜伽師地論卷第一
弥勒菩薩說 沙門玄奘奉 詔譯

本地分中五識身相應地第一

云何瑜伽師地謂十七地何等十七盟陀南曰五識相應意有尋伺等三三摩地俱非有心無心地聞思修所立如是具三乘有依及無依是名十七地一者五識身相應地二者意地三者有尋有伺地四者無尋唯伺地五者無尋無伺地六者三摩地多者七者非三摩地多者八者有心地九者無心地十者聞所成地十一者思所成地十二者修所成地十三者聲聞地十四者獨覺地十五者菩薩地十六者有餘依地十七者無餘依地如是略說十七名為瑜伽師地云何五識身相應地謂五識身自性彼所依彼所緣彼助伴彼作業如是揔名五識身相應地何等名為五識身耶所謂眼識耳識鼻識舌識身識云何眼識自性謂依眼了別色彼所依者俱有依謂眼等無間依謂意種子依謂即此一切種子執受所依異熟所攝阿賴耶識如是略說二種所依謂色非色眼是色餘非色眼謂四大種所造眼識所依淨色無見有對意謂眼識無間過去識一切種子識謂無始時來樂著戲論熏習為因所生一切種子異熟識彼所緣者謂色有見有對此復多種略說有三謂顯色形色表色顯色者謂青黃赤白光影明暗雲煙塵霧及空一顯色形色者謂

瑜伽論一 五 聽

長短方圓廣細正不正高下色表色者謂取捨屈中行住坐卧如是等色又顯色者謂若色顯了眼識所行形色者謂若色積集長短等分別相表色者謂即此積集色生滅相續由變異因於先生處不復重生轉於異處或無間或有間或近或遠差別生或即法此處變異而生是名表色又顯色者謂光明等差別形色者謂長短等積集差別表色者謂業用為依轉動差別如是一切顯形表色是眼所行眼界眼識所行眼識境界眼識所緣意識所行意識境界意識所緣名之差別又即此色復有三種謂若好顯色若惡顯色若俱異顯色似色顯現彼助伴者謂彼俱有相應諸心所有法所謂作意觸受想思及餘眼識俱有相應諸心所有法又彼諸法同一所緣非一行相俱有相應一而轉又彼一切各從自種子而生彼作業者當知有六種謂唯了別自境所緣是名初業唯了別自相唯了別現在唯一刹那了別復有二業謂隨意識轉隨善染轉隨發業轉又復能取愛非愛果是第六業云何耳識自性謂依耳了別聲彼所依者俱有依謂耳等無間依謂意種子依謂一切種子阿賴耶識耳謂四大種所造耳識所依淨色無見有對意及種子如前分別彼所緣者謂聲無見有對此復多種如螺貝聲大小鼓聲舞聲歌聲諸音樂聲俳戲叫聲女聲男聲風林等聲明了聲不明了聲有義聲無義聲下中上聲江河等聲闌諍誼聲受持演說聲論

瑜伽論一 六 聽

義決擇聲如是等類有衆多聲此略三種謂因執受大種聲因不執受大種聲因執受不執受大種聲初唯內緣聲次唯外緣聲後內外緣聲此復三種謂可意聲不可意聲俱相違聲又復聲者謂鳴音詞吼表彰語等差別之名是耳所行耳境界耳識所行耳識境界耳識所緣意識所行意識境界意識所緣助伴及業如眼識應知云何鼻識自性謂依鼻了別香彼所依者俱有依謂鼻等無間依謂意種子依謂一切種子阿賴耶識鼻謂四大種所造鼻識所依淨色無見有對意及種子如前分別彼所緣者謂香無見有對此復多種謂好香惡香平等香鼻所緣如根莖花果果實之香如是等類有衆多香又香者謂鼻所聞鼻所取鼻所嗅等差別之名是鼻所行鼻境界鼻識所行鼻識境界鼻識所緣意識所行意識境界意識所緣助伴及業如前應知云何舌識自性謂依舌了別味彼所依者俱有依謂舌等無間依謂意種子依謂一切種子阿賴耶識舌謂四大種所造舌識所依淨色無見有對意及種子如前分別彼所緣者謂味無見有對此復多種謂苦醋辛甘鹹淡可意不可意若捨處所舌所嘗又味者謂應嘗應吞應飲應飲應舐應吮應受用如是等差別之名是舌所行舌境界舌識所行舌識境界舌識所緣意識所行意識境界意識所緣助伴及業如前應知云何身識自性謂依身了別觸彼所依者俱有依謂身等無間依謂意種子

瑜伽論一 七 聽

依謂一切種子阿賴耶識身謂四大種所造身識所依淨色無見有對意及種子如前分別彼所緣者謂觸無見有對此復多種謂地水火風輕性重性滑性澀性冷飢渴飽力劣緩急病老死癢悶黏疲息與性勇如是等類有衆多觸此復三種謂好觸惡觸捨處所觸身所觸又觸者謂所摩所觸若鞭若與若動若煖如是等差別之名是身所行身境界身識所行身識境界身識所緣助伴及業如前應知復次雖眼不壞色現在前能生作意若不正起所生眼識必不得生要眼不壞色現在前能生作意正復現起所生眼識方乃得生如眼識乃至身識應知亦復次由眼識生三心可得如其次第謂率尔心尋求心決定心初是眼識二在意識決定心後方有染淨此後乃有等流眼識善不善轉而彼不由自分別力乃至此意不趣餘境經尔時眼意二識或善或染相續而轉如眼識生乃至身識應知亦余復次應觀五識所依如往餘方者所乘所緣如所為事助伴如同侶業如自功能復有差別應觀五識所依如居家者家所緣如所受用助伴如僕使等業如作用

本地分中意地第二之一
已說五識身相應地云何意地此亦五相應知謂自性故彼所依故彼所緣故彼助伴故彼作業故云何意自性謂心意識心謂一切種子所隨依止性所隨依附止性體能執受

九百四十字

瑜伽論一 八 聽

異熟所攝阿賴耶識意謂恒行意及六識身無間滅意識謂現前了別所緣境界彼所依者等無間依謂意識種子依謂如前說一切種子阿賴耶識彼所緣者謂一切法如其所應若不共者所緣即受想行蘊無為無見無對色六內處及一切種子彼助伴者謂作意觸受想思欲勝解念三摩地慧信慙愧無貪無瞋無癡精進輕安不放逸捨不害貪恚無明慢見疑忿恨覆惱嫉慳誑諂憍害無慙無愧憍沈掉舉不信懈怠放逸邪欲邪勝解忘念散亂不正知惡作睡眠尋伺如是等輩俱有相應心所有法是名助伴同一所緣不同一行相一時俱有二而轉各自種子所生更互相應有行相有所緣有所依彼作業者謂能了別自境所緣是名初業復能了別自相共相復能了別去來今世復剎那了別或相續了別復為轉隨轉發淨不淨一切法業復能取愛非愛果復能引餘識身又能為因發起等流識身又諸意識望餘識身有勝作業謂分別所緣審慮所緣若醉若狂若夢若覺若悶若醒若能發起身業語業若能離欲若離欲退若斷善根若續善根若死若生等云何分別所緣由七種分別謂有相分別無相分別任運分別尋求分別伺察分別染汙分別不染汙分別有相分別者謂於先所受義諸根成熟善名言者所起分別無相分別者謂隨先所引及嬰兒等不善名言者所有分別任運分別者謂

瑜伽論一 九 聽

於現前境界隨境勢力任運而轉所有分別
尋求分別者謂於諸法觀察尋求所起分別
伺察分別者謂於已所尋求已所觀察伺察
安立所起分別謂於分別者謂於過去顧應俱
行於未來希樂俱行於現在執著俱行所有分
別若欲分別若悲分別若害分別或隨與一煩
惱隨煩惱相應所起分別不潔汙分別者若
善若無記謂出離分別無悲分別無害分別
或隨與一信等善法相應或威儀路工巧處
及諸變化所有分別如是等類名分別所緣
云何審慮所緣謂如理所引不如理所引非
如理非不如理所引如理所引者謂不增益非
真實有如四顛倒謂於無常常倒於苦樂倒
於不淨淨倒於無我我倒亦不損減諸真實有
如是邪見謂無施與等諸邪見行或法住智
如實了知諸所知事或善清淨出世間智如
實覺知所知諸法如是名為如理所引與此相
違當知不如理所引非如理非不如理所引
者謂依無記慧審察諸法如是名為審慮所
緣云何醉謂由依止性羸劣故或不習飲故
或極數飲故或過量飲故便致醉乱云何狂
謂由先業所引或由諸界錯亂或由驚怖失
志或由打觸未摩或由鬼魅所著而發癲狂
云何夢謂由依止性羸劣或由疲倦過失或
由食所沈重或由於闇相作意思惟或由休
息一切事業或由串習睡眠或由他所引發
如由搖扇或由明呪或由於藥或由威神而
發惺夢云何覺謂睡增者不勝彼極故有

瑜伽論一 十 聽

所作者要期睡故或他所引從夢而覺云何
悶謂由風熱乱故或由捶打故或由瀉故如
過量轉筋及出血或由極勤勞而致悶絕云何
惺謂於悶已而復出離云何發起身業語業謂
由發身語業智前行故次欲生故次功用起故
次隨順功用為先身語業風轉故從此發起身
業語業云何離欲謂隨順離欲根成熟故從
他獲得隨順教誨故遠離彼障障故方便正修
無倒思惟故方能離欲云何離欲退謂性更根
故新修善品者數數思惟彼形狀相故受行
順退法故煩惱所障故惡友所攝故從離欲
退云何斷善根謂剎根者成就上品諸惡意
樂現行法故得隨順彼惡友故彼邪見纏極
重圓滿到究竟故彼於一切惡現行中得無畏
故無哀慙故能斷善根此中種子亦名善根
無貪瞋等亦名善根但由安立現行善根相
違相續名斷善根非由永拔彼種子故云何
續善根謂由性剎根故見親朋友修福業故
詣善丈夫聞正法故因生猶豫證決定故還續
善根云何死謂由壽量極故而便致死此復三
種謂壽盡故福盡故不避不平等故當知亦是
時非時死或由善心或不善心或無記心云何
壽盡故死猶如有一隨感壽量滿盡故死此名
時死云何福盡故死猶如有一資具闕故死云
何不避不平等故死如世尊說九因九緣未盡
壽量而死何等為九謂食無度量食所不
消復復食生而不吐熟而持之不近醫藥不知
於已若損若益非時非量行非梵行此名非

瑜伽論一 十一 聽

時死云何善心死猶如有一將命終時自憶先時所習善法或復由他令彼憶念由此因緣今時信等善法現行於心乃至廣想現行若細想行時善心即捨唯住無記心所以者何彼於今時於曾習善亦不能憶他亦不能令彼憶念云何不善心死猶如有一命將欲終自憶先時申習惡法或復由他令彼憶念彼於今時貪瞋等俱諸不善法現行於心乃至廣細等想現行如前善說又善心死時安樂而死將欲終時無極苦受逼迫於身惡心死時苦惱而死將命終時極重苦受逼迫於身又善心死者見不乱色相不善心死者見亂色相云何無記心死謂行善不善者或不行者將命終時自不能憶無他令憶今時非善心非不善心死既非安樂死亦非苦惱死又行善不善補特伽羅將命終時或自然憶先所習善及與不善或他令憶彼於今時於多曾習力最勝者其心偏記餘悉皆忘若俱平等曾習者彼於今時隨初自憶或他令憶唯此不捨不捨餘心彼於今時由二種因增上力故而便命終謂樂著戲論因增上力及淨不淨業因增上力受盡先業所引果已若行不善業者當於今時受先所作諸不善業所得不愛果之前相猶如夢中見無量種種變恠色相依此相故薄伽梵說若有先作惡不善業及增長已彼於今時如日後分或山峯影等懸覆遍覆極覆當知如是補特伽羅從明趣闇若先受盡不善業果而修善者與上相違當知如是補特伽

九百三十五字 宮 士 本 刻

瑜伽論一 十二 聽

羅從暗趣明此中差別者將命終時猶如夢中見無量種種非變恠色可意相生若作上品不善業者彼由見斯變恠相故流汗毛豎手足紛亂遂失便穢捫摸虛空翻睛咀沫彼於今時有如是等變恠相生若造中品不善業者彼於今時變恠之相或有或無設有不具又諸衆生將命終時乃至未到惛昧想位長時所習我愛現行由此力故謂我當無便愛自身由此建立中有生報若預流果及一來果今時我愛亦復現行然此預流及一來果於此我愛由智慧力數數推求制而不著猶壯丈夫與羸劣者共相搏力能制伏之當知此中道理亦今若不還果今時我愛不復現行又解支節除天那落迦所餘生處一切皆有此復二種一重二輕重謂作惡業者輕謂作善業者北拘盧洲一切皆輕又色界沒時皆具諸根欲界沒時隨所有根或不具又清淨解脫死者名調善死不清淨不解脫死者名不調善死又將終時作惡業者識於所依從上分捨即從上分捨觸隨起如此漸捨乃至心處造善業者識於所依從下分捨即從下分捨觸隨起如此漸捨乃至心處當知後識唯心處捨從此冷觸遍滿所依云何生由我愛無間已生故無始樂著戲論因已重習故淨不淨業因已重習故彼所依體由二種因增上力故從自種子即於是處中有異熟無間得生死生同時如稱兩頭低昂時等而此中有必具諸根造惡業者所得中有如黑羈光或露暗夜

瑜伽論一 十三 聽

作善業者所得中有如白衣光或晴明夜又此中有如是極清淨天眼所行彼於今時先我愛類不復現行識已住故然於境界起戲論愛隨所當生即彼形類中有而生又中有眼猶如天眼無有障礙唯至生處所趣無礙如得神通亦唯至生處又由此眼見已同類中有有情及見自身當所生處又造惡業者眼視不淨伏面而行往天趣者上往人趣者傍又此中有若未得生緣極七日住有得生緣即不決定若極七日未得生緣死而復生極七日住如是展轉未得生緣乃至七七日住自此已後決得生緣又此中有七日死已或即於此類生若由餘業可轉中有種子轉者便於餘類中生又此中有有種種名或名中有在死生二有中聞生故或名健達縛尋香行故香所資故或名意行以意為依往生處故此說身往非心緣往或名趣生對生有起故當知中有除無色界一切生處又造惡業者謂屠羊雞豬等隨其一類由住不律儀眾同分故作感那落迦惡不善業及增長已彼於今時猶如夢中自於彼業所得生處還見如是種類有情及屠羊等事由先所習意樂馳趣即於生處境色所礙中有遂滅生有續起彼將沒時如先死有見紛亂色如是乃至生滅道理如前應知又彼生時唯是化生六處具足復起是心而往趣之謂我與彼嬉戲受樂習諸技藝彼於今時顛倒謂造種種事業及觸冷熱若離妄見如是相貌尚無趣欲何況往彼若不往彼便不應

瑜伽論一 十四 聽

生如於那落迦如是於餘似那落迦鬼趣中生當知亦不如此癩鬼等又於餘鬼傍生人等及欲色界天眾同分中將受生時於當生處見已同類可意有情由此於彼起其欣欲即往生處使被拘礙死生道理如前應知又由三處現前得入母胎一父母調適而復值時二父母和合俱起愛染三健達縛正現在前復無三種障礙謂產處過患所作種子過患所作宿業過患所作云何產處過患謂若產處為風熱癰之所逼迫或於其中有麻交果或復其門如車螺形有形有曲有穢有濁如是等類產處過患應知云何種子過患謂父出不淨非母或母非父或俱不出或父精朽爛或母或俱如是等類種子過患應知云何宿業過患謂或父或母不作不增長感父子之業或復俱無或彼有情不作不增長感父母之業或彼父母作及增長感餘子業或彼有情作及增長感餘父母業或感大宗業業或感非大宗業業如是等類宿業過患應知若無如是三種過患三處現前得入母胎彼即於中有處自見與已同類有情為嬉戲等於所生處起希趣欲彼於今時見其父母共行邪行所出精血而起顛倒起顛倒者謂見父母為邪行時不謂父母行此邪行乃起倒覺見已自行見自行已便起貪愛若當欲為女彼即於父便起貪會貪若當欲為男彼即於母起貪亦亦乃往逼趣若女於母欲其遠去若男於父心亦復尔生此欲已或唯見男或唯見

瑜伽論一 十五 聽

女如如漸近彼之處所如是如是漸漸不見
父母餘分唯見男女根門即於此處便被拘
尋死生道理如是應知若薄福者當生下賤
家彼於死時及入胎時便聞種種紛亂之聲
及自妄見入於叢林竹簞蘆荻等中若多福
者當生尊貴家彼於全時便自聞有寂靜美
妙可意音聲及自妄見昇宮殿等可意相現
尔時父母貪愛俱極寂後決定各出一滴濃
厚精血二滴和合住母胎中合為一段猶如
熟乳凝結之時當於此處一切種子異熟所
攝執受所依阿賴耶識和合依託云何和合
依託謂此所出濃厚精血合成一段與顛倒
緣中有俱滅與滅同時即由一切種子識切
能力故有餘微細根及大種和合而生及餘
有根同分精血和合搏生於此時中說識已
住結生相續即此名為羯羅藍位此羯羅藍
中有諸根大種唯與身根及根所依處大種
俱生即由此身根俱生諸根大種力故眼等
諸根次第當生又由此身根俱生根所依處大
種力故諸根依處次第當生由彼諸根及所依
處具足生故名得圓滿依止成就又此羯羅藍
色與心心所安危共同故名依託由心心所依
託力故色不爛壞色損益故彼亦損益是故說
彼安危共同又此羯羅藍識寂初託處即名肉
心如是識於此處寂初託即從此處寂後捨

瑜伽師地論卷第一

聽

終

計四百三十一

共一十五紙

瑜伽師地論卷第二

聽

弥勒菩薩說

沙門玄奘奉詔譯

本地分中意地第二之二
復次此一切種子識若般涅槃法者一切種子皆悉具足不般涅槃法者便闕三種菩提種子隨所生處自體之中餘體種子皆悉隨逐是故欲界自體中亦有色無色界一切種子如是色界自體中亦有欲無色界一切種子無色界自體中亦有欲色界一切種子又羯羅藍漸增長時名之與色平等增長俱漸廣大如是增長乃至依止圓滿應知此中由地界故依止造色漸漸增廣由水界攝持故由火界成熟故令其堅硬由無間故由風界故分別支節各安其所又一切種子識於生自體雖有淨不淨業因然唯樂著戲論為最勝因於生族姓色力壽量資具等果即淨不淨業為最勝因又諸凡夫於自體上計我我所及起我慢一切聖者觀唯是苦又處胎分中有自性受不苦不樂依識增長唯此性受異熟所攝餘一切受或異熟所生或境界緣生又苦受樂受或於一時從緣現起或時不起又種子體無始時來相續不絕性雖無始有之然由淨不淨業差別熏發望數數取異熟果說彼為新若果已生說此種子為已受果由此道理生死流轉相續不絕乃至未般涅槃又諸種子未與果

瑜伽論二 二 聽

者或順生受或順後受雖經百千劫從自種子一切自體復圓滿生雖餘果生要由自種若至壽量盡邊今時此種名已受果所餘自體種子未與果故不名已受果又諸種子即於此身中應受異熟緣義不受順不定受攝故然此種子亦唯住此位是故一一自體中皆有一切自體種子若於一處有染欲即說一切處有染欲若於一處得離欲即說於一切處得離欲又於諸自體中所有種子若煩惱品所攝名為嚴重亦名隨眠若異熟品所攝及餘無記品所攝唯名嚴重不名隨眠若信等善法品所攝種子不名嚴重亦非隨眠何以故由此法生時所依自體唯有堪能非不堪能是故一切所依自體嚴重所隨故嚴重所生故嚴重自性故諸佛如來安立為苦所謂由行苦故又諸種子乃有多種差別之名所謂名界名種姓名自性名因名薩迦耶名戲論名阿賴耶名取名苦名薩迦耶見所依止處名我慢所依止處如是等類差別應知又般涅槃時已得轉依諸淨行者轉捨一切染汙法種子所依於一切善無記法種子轉令緣闕轉得內緣自在又於胎中經三十八七日之胎藏一切支分皆悉具足從此已後復經四日方乃出生如薄伽梵於入胎經廣說此說極滿足者或經九月或復過此若唯經八月此名圓滿非極圓滿若經七月六月不名圓滿或復缺減又此胎藏六處位中由母所食生麤津味而得資長於羯羅藍

瑜伽論二 三 聽

等微細位中由微細津味資長應知復次此之胎藏八位差別何等為八謂羯羅藍位過部曇位閉尸位鍵南位鉢羅賒佉位鬚毛爪位根位形位若已結疑箭內仍稀名羯羅藍若表裏如酪未至肉位名過部曇若已成肉仍極柔更名閉尸若已堅厚稍堪摩觸名為鍵南即此內搏增長支分相現名鉢羅賒佉從此已後鬚毛爪現即名此位從此已後眼等根生名為根位從此已後彼所依處分明顯現名為形位又於胎藏中或由先業力或由其母不避不平等力所生隨順風故令此胎藏或髮或色或皮及餘支分變異而生變異生者謂由先世所作能感此惡不善業及由其母多習灰塗等味若飲若食令此胎藏髮毛稀少色變異生者謂由先業因如前說及由其母習近煖熱現在緣故令彼胎藏黑黯色生又母習近極寒室等令彼胎藏極赤色生皮變異生者謂由宿業因如前說及由其母多習姪欲現在緣故令彼胎藏或癰疥癩等惡皮而生支分變異生者謂由先業因如前說及由其母多習馳走跳躑威儀及不避不平等現在緣故令彼胎藏諸根支分缺減而生又彼胎藏若當為女於母左脇倚脊向腹而住若當為男於母右脇倚腹向脊而住又此胎藏極成滿時其母不堪持此重胎內風便發生大苦惱又此胎藏業報所發生分風起令頭向下足便向

瑜伽論二 四 聽

上胎衣纏裹而趣產門其正出時胎衣遂裂分之兩腋出產門時名正生位生後漸次觸生分觸所謂眼觸乃至意觸次復隨墮施設事所謂隨學世事言說次復耽著家室謂長大種類故諸根成熟故次造諸業謂起世間工巧業處次復受用境界所謂色等若可愛不可愛受此苦樂謂由先業因或由現在緣隨緣所牽或往五趣或向涅槃又諸有情隨於如是有情類中自體生時彼有情類於此有情作四種緣謂種子所引故食所資養故隨逐守護故隨學造作身語業故初謂父母精血所引次彼生已知其所欲方求飲食而用資長次常隨逐專志守護不令起作非時之行及不平等等行次令習學世俗言說等事由長大種類故諸根成熟故此復於餘此復於餘如是展轉諸有情類無始時來受苦受樂未曾獲得出苦樂法乃至諸佛未證菩提若從他聞音及內正思惟由如是故方得漏盡如是句義甚為難悟謂我無有若分若誰若事我亦都非若分若誰若事如是略說內分死生已云何外分若壞若成謂由諸有情所作能感成壞業故若有能感壞業現前介時便有外壞緣起由彼外分皆悉散壞非如內分由壽量盡何以故由一切外分所有底色四大所成恒相續住非如內分又感成器世間業此業決定能引劫住不增不減若有情數時無決定所以者何由彼造作種種業故或過一劫或復減少乃至一歲又

瑜伽論二 五 聽

彼壞劫由三種災一者火災能壞世間從無
間獄乃至梵世二者水災能壞一切乃至第
二靜慮三者風災能壞一切乃至第三靜慮
第四靜慮無災能壞由彼諸天身與宮殿俱
生俱沒故更無能壞因緣法故復有三災之
頂謂第二靜慮第三靜慮第四靜慮又此世
間二十中劫壞二十中劫壞已空二十中劫
成二十中劫成已住如是八十中劫假立為
一大劫數又梵世間壽量一劫此最後壞亦
最初成當知此劫異相建立謂梵眾天二十
中劫合為一劫即依此劫施設壽量梵前益
天四十中劫合為一劫即依此劫施設壽量
若大梵天六十中劫合為一劫即依此劫施
設壽量云何火災能壞世間謂有如是時世
間有情壽量無限從此漸減乃至壽量經
八萬歲彼復受行不善法故壽量轉減乃至
十歲彼復獲得厭離之心受行善法由此因
緣壽量漸增乃至八萬如是壽量一減一增
合成一中劫又此中劫復有三種小劫出現謂
儉病刀儉災者所謂人壽三十歲時方始建
立當余之時精妙飲食不可復得唯煎煮朽
骨共為譙會若遇得一粒稻麥粟稗等子重
若末尼藏置箱篋而守護之彼諸有情多無
氣勢躡躡在地不復能起由此飢儉有情之
類亡沒殆盡此之儉災經七年七月七日七夜
方乃得過彼諸有情復共聚集起下厭離由
此因緣壽不退減儉災遂息又若人壽二十歲
時本起厭患今乃退捨今時多有疫氣障癘

瑜伽論二 六 聽

災橫熱惱相續而生彼諸有情遇此諸病多
悉殞沒如是病災經七年七月七日七夜方乃得過
彼諸有情復共聚集起中厭離由此因緣壽
量無減病災乃息又人壽十歲時本起厭患
今還退捨今時有情展轉相見各起猛利殺
害之心由此因緣隨執草木及以瓦石皆成
最極銳利刀劍更相殘害死喪略盡如是刀
災經七日方乃得過今時有情復有三種
最極衰損謂壽量衰損依止衰損資具衰損
壽量衰損者所謂壽量極至十歲依止衰損
者謂其身量極至一磔或復一握資具衰損
者今時有情唯以粟稗為食中第一以髮褐
為衣中第一以鐵為莊嚴中第一五種上味悉
皆隱沒所謂酥蜜油鹽芋味及甘蔗變味
今時有情展轉聚集起上厭離不復退減又
能棄捨損減壽量惡不善法受行增長壽
量善法由此因緣壽量色力富樂自在皆漸
增長乃至壽量經八萬歲如是二十減二十
增合四十增減便出住劫於最後增已今時
那落迦有情唯沒不生如是漸漸乃至沒盡
當知說名那落迦世間壞如那落迦壞傍生
餓鬼壞亦如是今時人中隨一有情自然法
亦所得第二靜慮其餘有情展轉隨學亦
復如是皆此沒已生極淨光天眾同分中
當知今時說名人世間壞如人趣既今天趣
亦然當於此時五趣世間居住之處無一有
情可得所有資具亦不可得非唯資具不
可得得今時天雨亦不可得由無雨故大地

計九百五十字